

**Talamdan sa  
Mga Mensahe alang sa Full-time Training  
sa Spring Term sa 2024**

-----

**LINANGKOB NGA HISGOTANAN:  
ANG MAHINUNG DANONG MGA PUNTO SA KAMATUORAN SA MGA SULAT NI PABLO—  
IKADUHANG CORINTO**

Mensahe 6

**Si Cristo nga Dagway sa Dios ug ang Bahandi sa Kulonong Mga Sudlanan**

Basahong Kasulatan: 2 Cor. 4:4, 7; Col. 1:15; Heb. 1:3; Juan 1:18

- I. Gipakita sa 2 Corinto 4:1-7 nga masinati ug mapahimuslan nato si Cristo nga dagway sa Dios ug bahandi:**
- A. Ang dagway sa Dios nagpasabot ni Cristo nga pagpadayag nato, samtang ang bahandi nagpasabot ni Cristo nga sulod nato.
  - B. Ipadayag gyod nato si Cristo nga dagway sa Dios, ug duna gyod tay Cristo nga bahandi sa sulod.
  - C. Dato ug hingpit gyod tang magpahimulos ni Cristo.
- II. “Ang kahayag sa ebanghelyo sa himaya ni Cristo, nga mao ang dagway sa Dios”—v. 4:**
- A. Ang ebanghelyo ni Cristo mao ang ebanghelyo sa Iyang himaya nga naghayag ug nagsidlak.
  - B. Dili makita ang Dios, apan si Cristo, ang Anak sa gugma sa Dios, nga mao ang kasanag sa himaya sa Dios ug ang dagway sa Iyang pagkamao (Heb. 1:3), mao ang Iyang dagway, nga nagpadayag kon unsa Siya.
  - C. Ang dagway sa Dios sa Colosas 1:15 nagpasabot sa pagpadayag ug sa kahupnganan sa Dios, sa ato pa, ni Cristo mismo.
  - D. Ang pamulong *ang dagway sa Dios nga dili makita* nagpasabot nga bisan tuod dili makita ang Dios mismo, makita ang Iyang dagway—v. 15.
  - E. Dunay dagway nga makita ang Dios nga dili makita, ug kining dagwaya mao si Cristo:
    - 1. Niingon ang Juan 1:18 nga, “Wala pa gyoy nakakita sa Dios; gipaila Siya sa bugtong Anak, nga naa sa sabakan sa Amahan.”
    - 2. Bisan tuod dili makita ang Dios, gipadayag Siya sa buhing persona, sa ato pa, ni Jesucristo, nga Anak sa Dios—3:16.
- III. “Naa namo kining bahandi sa kulonong mga sudlanan”—2 Cor. 4:7a:**
- A. Si Cristo nga Espiritung taghatag-og-kinabuhi nga naa sa sulod nato maoy nagsidlak ug nagbuhat; kini ang bahanding naa sa sulod nato.
  - B. Ang pagsidlak sa Dios sa atong kasingkasing (vv. 4, 6) nagdala nganhi natog bahandi, nga si Cristo sa himaya, nga pagkalawas sa Dios nga mahimong kinabuhi ug tanan nato.
  - C. Tungod sa pagsidlak nganhi sa atong kasingkasing, duna tay bahandi nga kahibulongan, bililhon, ug matahom kaayo.
  - D. Kining bahandia, nga si Cristo nga nagpuyo sa sulod nato, nga kulonong mga sudlanan, mao ang diosnong tinubdan sa sangkap alang sa Cristohanong kinabuhi—v. 7.
  - E. Ang pamulong *kining bahandi* sa 2 Corinto 4:7 nagpasabot sa versiculo 6, nga niini naghigot si Pablo sa nawong ni Jesucristo:
    - 1. Ang pagsidlak sa Dios sa atong kasingkasing paghayag man kanato aron makaila ta sa himaya sa Dios sa nawong ni Cristo.

2. Ang himaya sa Dios nga napadayag sa nawong ni Jesucristo mao ang himaya sa Dios nga napadayag pinaagi ni Jesucristo; ang pagkaila Kaniya pagkaila man sa Dios sa himaya—v. 6.
3. Sa linetra, ang Griyegong pulong sa *nawong* sa 2 Corinto 4:6 sama ra sa pulong nga gihubad og “persona” sa 2:10, nga nagpasabot sa bahin libot sa mga mata; ang tinan-awan nga ilhanan sa mga hunahuna ug mga pagbati sa sulod, nga nagpakita ug nagpadayag sa tibuok persona.
4. Nagpakita kini nga kon wala nato ang ilhanan sa nawong ni Cristo, dili Siya mahimong bahandi nato sa realidad:
  - a. Dili nato mabati nga duna tay bahandi sa sulod nato sa dili pa nato makita ang nawong ni Jesucristo.
  - b. Sa usa ka bahin, makapahayag tang tanan nga kita ang kulonong mga sudlanan ug nga si Cristo ang bahandi sa sulod nato.
  - c. Sa laing bahin, kinahanglan makita nato nga sa diha lang magkinabuhi ta diha sa presensya ni Cristo, nagtan-aw sa ilhanan sa Iyang pagkamao, nga mabati nato nga bahandi Siya nato—v. 10.
- F. Ang unang lakang sa paagi sa Dios sa pagtuman sa Iyang tuyo paglalang man sa tawo nga kulonong sudlanan aron kasudlan Niya nga kinabuhi—Gen. 2:7:
  1. Gipili ta sa Dios aron mahimo tang mga sudlanan sa kadungganan nga napuno sa Tulo-usang Dios—Rom. 9:21, 23; 2 Cor. 13:14.
  2. Gipakita sa Bag-ong Tugon kanato nga gusto ang Dios og mga magtutuo nga mga sudlanang nahigugma Niya ug kanunayng bukas Kaniya—Rom. 9:21, 23, 2 Cor. 3:16.
  3. Kon dili ta bukas sa Ginoo sa kahiladman sa atong pagkatawo, dili Siya makapaambit sa Iyang Kaugalingon kanato ug makabalay sa atong kasingkasing—1 Cor. 2:10.
  4. Walay gibuhay ang bukas nga sudlanan kondili kanunay rang nagbukas sa iyang kaugalingon aron mapuno sa diosnong pagpaambit sa Diosnong Trinidad—2 Cor. 13:14.
  5. Pun-on ngani ta sa Ginoo, buhaton Niya ang tanan para nato—Efe. 3:19.
- G. Maluyahon ta kay kulonong mga sudlanan man ta; apan ang bahandi sa sulod nato, nga sudlanan, maoy kanunayng makapabukas nato ngadto sa Ginoo, maghatag Niya sa tanang higayon nga makabuhay sa tanang gusto Niyang buhaton; kini ang husto ug tinuod nga Cristohanong kinabuhi—v. 17; Gal. 2:20.

**IV. “Aron maggikan sa Dios ang pagkalabaw kaayo sa gahom ug dili maggikan namo”—2 Cor. 4:7b:**

- A. Ang kamatuoran nga kulonong mga sudlanan ta nagpamatuod nga naggikan sa Dios ang pagkalabaw kaayo sa gahom ug dili naggikan nato:
  1. Sa atong kaugalingon kulonong mga sudlanan ra gyod ta; masal-anon, hulog, ug kabos ta.
  2. Kay ingon niana man, wala tay gahom nga makapadayag sa kamatuoran ug makapasidlak sa himaya sa ebanghelyo—v. 4.
- B. Bisag wala tay bili nga kulonong mga sudlanan, gipasidlak sa Dios ang hamiling bahandi nganhi nato:
  1. Nahimong tinubdan sa gahom karon kining bahandia nga nagpalagsik nato ug naghimo nato nga makapasidlak sa himaya sa Dios ug makapadayag sa kamatuoran—v. 7a.
  2. Dunay gahom kining bahandia, ug labaw kaayo kining gahoma.
- C. Sa gawas, kulonong mga sudlanan ta, apan sa sulod, duna tay bililhong bahandi—si Cristo nga pagkalawas sa nahikay ug nahingpit nga Tulo-usang Dios nga nahimong Espiritung malangkobon-sa-tanan nga taghatag-og-kinabuhi—1 Cor. 15:45.
- D. Sa sulod nato, naa si Cristo nga matahom kaayong bahandi; sa gawas, gipadayag nato si Cristo nga dagway sa Dios, ang pagpadayag sa Tulo-usang Dios.
- E. Sa nituo ta ni Ginoong Jesus, dili lang Manunubos ang nadawat nato; nadawat nato ang kinalabwang Persona sa uniberso.
- F. Mosinati ug mopahimulos gyod ta ni Cristo nga bahandi sa sulod ug dagway sa gawas.